

醫問漫記
審齋瑣綴錄



審
齋
瑣
綴
錄

尹直撰

中
華
書
局

歷代小史卷之九十三

塞齊瑣綴錄

泰和尹直著

今上御經筵肇於嗣極之物是爲天順八年甲申之八月二日歲率以二八月月中旬起四十月末旬止月三會講日皆逢二進講每兩人一四書一經講章皆預呈閣老轉付中書繕錄正副各二紙隨日進司禮監官奏知先晚於文華殿內寶座地平之南設金鶴香爐左右各一於左香爐之東稍南設御聚講案各一皆西向案上各置所講二書以夾講章各壓以金尺一付至期早朝近侍內臣及知經筵官總兵閣老學士并講官及六部尚書都御史大理卿通政使鴻臚卿錄衣指揮使及四品以上寫講章官俱綉金緋袍

其展書翰林官與侍儀御史給事中序班鳴贊等俱着金綉服朝畢駕起御文華殿皆隨之大漢將軍允二十名導

駕至左順門退易冠帶便服仍各執金瓜而領將軍或侯或伯者則易金綉蟒衣追越衆官進左順門皆分班綴行立文華門外俟傳宣云進來則將軍先入殿內負東西牆立諸官升陞鴻臚卿贊入班行禮畢以次分由殿東西門入重班立指揮則立西一班未稍前御史給事序班六員分於中門左右北向立序班二人舉御案進上二人舉講案置中鳴讚鳴進講講官各出班立講案前展書官二員出班對立鳴讚讚講官並行禮興東展書官進至地平膝行詣御案展四書講四書官亦稍前近案展所講書展書官復位乃先說講畢然後申講講畢掩書稍退後原展書官

仍如儀進捲書復位西展書官與講經官進退俱如前儀講畢仍
並行禮各回班序班各撤案聯置舊所鴻臚卿中跪奏禮畢上
諭官人每喫酒飯各官跪承旨興以次出升陛仍行禮乃出左順
門宴以官序惟學士之坐立則序於鴻臚卿及四品以上寫講章
官右展書官坐立亦序於四品以下寫講章官上重職事也其號
曰講官者凡四員日輪二員先大學衍義次貞觀政要二書皆不
用講章惟各以黃票書所起止預進先日內臣設御案於文華
殿後奉堂中以二書并起止置案上至日早朝畢四講孝上閣老
隨駕入至殿內授內臣以來日起止筵召乃入穿堂門內行禮
分班北向前後立東班當講者詣御案前內侍授以牙籤右手
執之且指且講書則向上初展後捲皆屬內侍講畢還籤復位西

班當講者乃進講悉如東儀講畢上諭先生喫酒飯皆跪承肯行禮禮前後皆一拜三叩頭出宴於文華門外西廡禁中謂之小經筵或謂之小講云

永樂初選翰林文學之臣六七人直文淵閣兼典機務詔冊制誥皆屬之而膳副繕正則中書分直更入事竣輒出宣德間三楊諸先生始置御饌於閣之東偏而選能書者處以閣之西小房謂之西制勅房諸學士則居閣之東五楹專管誥勅具稿定正於閣老乃付中書繕進謂之東誥勅房而帶知制誥銜則惟閣老與諸學士而已中書等官不敢僭也時諸學士每早與閣老會食乃退正統九年陳芳洲先生入閣後學士惟劉鉉先生一人過自遜避朝退止於東閣不復會食視誥勅以後學士皆因之至今誥勅閣

老悉委於中書序班譯字等官一樣畫葫蘆矣然且誑人曰出其手一日柯學士孟時謂中書黃現曰某人勅命稿作急騰上璽奏曰尚未作孟時但竊咲之詩曰維鵲有巢維鳩居之孟子曰久假不歸惡知其非真有固此類歟五府六部都察院精微皆送翰林注銷掌於學士陳芳洲先生入閣兼掌翰林印則委於博士典籍待詔侍書等官猶是也至天順二年博士以下官悉缺則直付於東誥勅房中書郎中等官矣而繳進文移則代署學士職名耳四夷館本屬翰林院提督每月朔掌印學士僉押公會簿送館自提調教師以下皆日書卯酉月終送院稽考故凡考譯字官并子弟吏禮二部移文會同本院學士無不與焉成化己丑禮部偶失請掌院事者怒不之與至今文移徒屬學士而會考則一歸於閣

老矣

文淵閣本翰林內署非衙門名故凡朝廷之宣召諸司之文移雖事關機務亦止稱翰林院或稱會同翰林堂上官初不以內閣名比年以來則直稱會同內閣大臣而翰林堂上官不道及矣後進朝紳之不習事體大率類是

正統以來四月下旬

經筵講畢賜諸執事官扇人一握省

上親授之天順間以

經筵輟乃命中官傳賜於各堂上而學士

猶與焉成化以來

經筵雖御而此典不復行徒仍天順時例甚至學士內閣有弗與者不獨

經筵諸職事也

宣德以來閣老及

經筵日講官間

賜冠服必緋袍金帶無間

品秩

今上御經筵之初萬循吉李文通為學士孫舜卿劉叔溫

牛大經爲少卿兩不相下當 賜衣時牛太監右其姪故三少卿皆 賜金帶緋袍而萬李則賜青羅袍以抑之然帶猶金也後牛敗以他事此亦坐之 成化己丑冬王惟臣彭彥實進日講未久適遇 賜雖仍緋袍而帶止素玳瑁耳時疑文通不欲並已說許太監臨期易之成化癸巳夏四月復 賜王彭以素香帶閣老乃乘間言之及午節賜閣老織金麒麟大紅紗各一端因併賜以金鑲玳瑁帶故典始克復也

正統以來諸學士與閣老每早朝退俱入東閣圍揖畢講讀以下官序立閣門內中書等官雖進四品以上秩者亦從衆序於閣門外搃揖諸學士與閣老乃散天順初徐有貞驟進大位欲示私恩乃聽西勅書房中書等官請另揖於文淵閣下不復從衆行禮惟

東諸勅房中書等官尚仍舊掛尾大不掉其有自哉

今翰林院外署本鴻臚寺舊址建於正統七年而印則造於六年也
初落成日諸學士皆到任錢文肅先生掌印不設西楊南楊二先
生公座曰此非三公府也至期二楊以聞乃命工部具椅案胡宗
伯定位次二先生始自內閣出就座時論雖題文肅然二公所供
職則固翰林事也成化壬辰夏四月直等陞學士到任時可齋彭
先生以兼秩非本院學士止於後堂辭不出座萬循吉請至再三
直乃進曰聞西楊先生亦嘗坐先生何爲辭况後陳高諸先生亦
未嘗不坐可齋始出坐中萬先生坐右商先生時以兄喪不至故
虛其左而直五人以次東西列坐既僉書畢講讀以下官請行拜
禮直等辭可齋曰拜是禮也禮畢入宴後堂王惟臣江東之楊維

新並坐於上直與彭彥實以嘗師可齋辭坐前席講讀修撰年深者亦前列餘東西序是逆齋費頗鉅既而直等同復一逆亦如之此本院故事他衙門無有也

正統間錢文肅陞禮部侍郎陳芳洲先生繼握院章未幾入閣仍兼掌之及進位少保本院移文諸司猶署職名因具疏請止署姓初本院案牘諸學士班署之後各自重署者惟掌院學士與孔目二人耳成化己丑冬直署院事蓋以侍讀署自有始時直見孔目不僉名詢之曰自柯先生始革其弊直曰朝廷設首領官正欲上下相制耳其弊固當革豈可遽革其職哉乃命署職名如舊弊亦無能為也

皇朝宮殿最尚簡便自奉天華蓋謹身三殿外西則有武英仁智二

殿皆畫史藝士供奉豫游之所東有文華一殿 儲君所御然
上每月三次經筵及每日閱章奏亦御此殿 東宮講讀則在文華
殿東廂房凡三間設座於北一間中開一門向南每早各官皆綉
服進則行叩頭禮後分班立 東宮自座上背誦先日之書畢東
講官直上至地平前立內侍授以牙籤手執指書而講四書講畢
從西而下橫折過東還班西講官從下橫折過東直上地平前講
經如東儀講畢從西下橫折回班蓋左進而右退折旋中矩禮也
書冊皆何上講畢退食後 東宮乃易袂徹金鑲寶石或王鈎條
何西窓下習做書一張各官易素袍復進通講三日之書既畢
肅旨先生每喫茶各官叩頭而出中間少立內臣設一卓將 東宮
做書展於卓上請視閣老以朱筆點字之端楷者內臣每請多能

數字庶奉進 皇太后見之而喜點畢內臣將倣書進各官出門外內臣奉茶飲畢乃退

永樂間嘗選舉人監生習四夷譯書閱其妨曠本業乃命會試卷尾識譯書數十字三場畢送出翰林定去取仍送入場填榜蓋優典也然既登第仍官館中習譯書如許道中先生是也至 景泰初吳禎以民人充譯字官始援此例中鄉試及登第又以與脩寰宇通志成從衆庶吉士出授御史

成化間俞璫又因此例授主事於戶部蓋資稍可進輒習舉業而譯書不復精徒籍為科第之捷徑故爭趨者衆 天順八年彭可齋始建白如制去取於內不復送出院矣

宣德以來中書秩滿止陞二級其於西勅書房也累轉至五品卽中

等官則兼係待詔侍書等銜雖程南雲黃養正朱孔易等皆見寵任亦僅進四品散官耳

正統間曹先生用事始授一二太僕卿並順天府丞亦未嘗有假清卿者

天順以來中書滿則陞吏禮二部員外卽員外卽滿則遙授山東布政司參議銜順天府支俸兵部撥皂隸仍懸員外牙牌如舊書辦一遇恩例則太常卿亞可拾取為人書銘表記則知制誥兼經筵等銜無不竊署之雖日供事於閣老之前而媚附中貴時節恩賜鮮不與被其窺伺動靜陰市恩私則自

景泰間已然故王千之先生初入閣遂奏黜王謙陳學華數人外補士夫翕然稱快千之先生敗後至今

成化又復日熾或初授山東叅議每慶成宴輒求侍坐殿中者或初
充史館謄錄未舉一筆以丁憂 服闋適書完遂由負外進即中
者其妄干恩澤紊亂舊章曾無一人舉覺可勝嘆哉

正統間禮部缺侍郎吏部擬苗先生衷以進 朝廷易以錢習禮先
生出補之縉紳皆往賀之錢先生曰吾今任有司之職矣何足賀
未幾陳高曹苗四學士皆廷授各部侍郎仍舊供事翰林蓋一時
館閣盛事也

正統十四年秋虜逼京城 朝廷以內閣政機重繁欲增一二人而
未得時錦衣劉揮使素善徐瑄薦於金太監乃召至左順門問計
徐甚言城不可守必須南遷衆內臣皆叱詈之而徐力主前議至
泣下語瑄瑄不已金乃命人扶出之江時宜先生值於左掖門間

曰如何徐曰吾主南遷不合矣江入昌言固守之策遂見稱賞命入閣既而徐累被薦皆不允一日徐為芳洲推一命狀侑以玉帶一束謁於芳洲先生曰推先生命玉帶當至矣故敢以獻先生納之乃教徐易名庶朝廷忘前議而薦可允於是更名有貞他日張秋河決徐欲假往治進官商先生託王公度詣內閣舉之遂陞僉都至

景泰丙子十二月脩河功訖還上召詣御前慰勞給賞陞副都有貞又求芳洲舉其入閣不得乃潛告石亨等上有病容圖舉事踰歲春正月遂以迎復功進閣坐芳洲諸公以不軌榜示天下且私報商先生云我無柰何回護只得置足下於末其亦可謂箠口劍腹者歟

天順初以

景泰易儲之故凡翰林有帶東宮官銜者皆改別職用是改李克述林恒簡黃廷臣尚寶卿劉主靜愧克讓呂逢原通政叅議錢原溥尚寶少卿俱兼翰林讀讀以下官仍舊供事內閣有貞意且曰若改以翰林之職則是陞非改矣未幾呂先生遂帶叅議銜同可齋彭先生入閣是冬陳汝言用事言於上曰翰林院官皆帶別衙門銜而本院學士乃無一人事體自不便上召冢宰王九臯承旨九臯對曰學士之職不輕今似太多汝言折之曰唐有十八學士今何多於是俱改學士錢則侍讀學士而可齋則以小太常兼侍讀改兼學士明年廷臣使交南還亦援例改輿論汝言所行可稱者惟此一事實有貞有愧耳